





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.63

Ferdinandus de Salazar decretorum doctor
excellentissimo & famosissimo utriusq; iuris
interpreti domino Ioanni de Sala praeceptorī
& domino suo. S. P. D.

Orationem quam nuper luculentissimam habuit
ad Pont. Max. Reipublicæ Bononiensis noīe Anto-
nius Galeacius Prothonotarius Bentiuolus cū im-
primendam curarem: cui potius dicendam arbitra-
rer q̄ tibi: inueniebam neminem. Cum enim te sem-
per fuisse noram: cuius obseruantia & fides in Bentī-
uolos omnes extiterit singularis. Præterea ex disci-
puli tui eloquentia & prudentia non ambigendum
erat uoluptatem haud mediocrem te capturū. Eam
igitur leges: & illustri principi Ioanni ac Geneuræ
coniugi præclarissimæ gratulaberis: quod talem edī-
derit filiū: in quo parētum uis omnis eluceat. Iuxta
Horacianum illud: Est in equis patrum uirtus: neq;
imbellem feroces progenerant aquilæ columbam.
Vale & me a quo præcipue coleris ama.

Oratio Antonii Galeacii Bentiuoli Prothonota-
rii Apostolici oratoris nomine Bononiensium habi-
ta apud Alexandrum .vi. Pont. Max.

Gaudio maximo Beatiss. pater : maximaq; latitia
affecti sunt Bononiens. uniuersi: postea q̄ renuntiātū
est tuā Beatitudinem sacratissima: amplissimaq; pon-
tificatus magni dignitate fuisse decoratā: dataq; es-
se illi habenas Christianæ Religionis moderandas:
statimq; tuæ Bononiensis Reip. gubernatores decre-
uerunt nos ad Apostolicam sedem mittendos: ut pu-
blico nomine reuerentissime uiseremur: & religiosis-
sime ueneraremur tuā Sanctitatem: qua nihil in ter-
ris uenerabilius fieri potest. Facimus itaq; in præsen-
tiam quod facere moniti sumus & debem⁹: dedimus
nos & diuina humanaq; nostra omnia tuæ sacratissi-
mæ maiestati obedienter præstoq; facturi quicquid
nobis: quicquid suæ Bononiensi Reip. ex Pontifica-
li mandato iniunctum fuerit. Tota enim ciuitas illa
Apostolicam sedem colit: tuamq; sanctitudinem (si-
cuti debet) officiosissime obseruat ac reueretur: quā
oramus & suppliciter obsecramus ut dedititios Bo-
nonienses ea comitate suscipiat: ea tractat indulgen-
tia: qua tractari suscipiq; merentur subditi fideles ac
deuotī obnoxiiq; clientes. Et profecto si bene conie-
ctor debet mereturq; Bononia nihil ferme minus ca-
ra tuæ Beatitudini esse q̄ patria: cū illic in adolescen-
tia: qua ætate uerus amor conciliatur: operam dede-

rit studiis litterarum: Gymnasiumq; illud scolasti-
cum non paucis annis celebrauerit. Nam si patriam
solūq; genitale diligimus propterea q; ibi nascimur:
nonne illam quoq; ciuitatem:& quidē ardentē: ama-
re debemus; in qua formamur atq; instituimur libe-
ralibus ingenuisq; disciplinis: sicuti sanctitas tua in
Gymnasio scolisq; Bononiensium formata est & in-
stituta. Merito itaq; speramus habituros nos Ponti-
ficem ut omnium maximū: sic omnium optimū.
ut potentissimum: sic beneficentissimum: In cuius
fidem manum atq; potestatem nos ac nostra tradi-
dimus. Quod superest nouissimo loco pater meus
cum tota Bentiouola familia se & sua dedit: dicat: subi-
cit tuæ clementissimæ Beatitudini obedienter factu-
rus quicquid illa præceperit: Qui impræsentia gau-
dibundus exultat q; compater sit illius & dediticius:
qui inter mortales maximus est: qui merito Christi
Vicarius potest appellari. Rogat oratq; maximope-
re idem pater meus tuam Beatissime pater Beatitudi-
nem: ut fidem: deuotionem: obseruantiamq; ipsius: fa-
miliæq; Bentiouolæ comiter amplexetur & nutu Pon-
tificiali foueat: tueatq; nos omnes qui dediti sumus
addicti micipati tuæ Beatitudini omni bonitate præ-
stanti: quam deus omnipotens diutissime florentissi-
meq; permittat sedis Apostolicæ & Romanæ eccle-
siæ habenas regere ac moderari. Dixi.

